

**Theologia Scholastica Secundum Viam Et Doctrinam D.  
Thomæ Aquinatis, Doctoris Angelici**

In Celebri Archiepiscopali Benedictina Universitate Salisburgensi, methodo  
& norma ibidem usitata publicè tradita, & in IV. Tomos digesta ; Qvorvm  
Primvs Tractat De Deo Vno Et Trino, Deq[ue] Creatura Angelica ...

**Mezger, Paul**

**Augustæ Vindelicorum, 1695**

§. I. Astruitur necessitas tam exercitii quàm specificationis.

---

[urn:nbn:de:hbz:466:1-74152](#)

quentiam. Ad secundum quoque similiter disting. antecedens: voluntas est nobilior secundum quid & quatenus in genere causæ efficientis alias potentias applicans concedo: specialiter nego. Nam ut voluntas secundum diam libertatem, subordinetur intellectui tanquam dirigent & radicaliter libero, iste tanquam superior & director voluntatis specialiter est nobilior. Ad tertium disting. maj. quod ordinatur ad aliud cœū medium intrinsecum ad finem, est minus nobile, concedo, non essentia ad proportionem nego. Sed visio ordinatur ad amorem ut essentia ad proportionem concedo: ut medium ad finem, nego minorē & consequentiam. Ad quartum respondeo. Itas denotationes Seraphini & Che-  
rubiī tribū non ab amore & cognitione pati, sed ab amore & cognitione via; ubi ve-  
rum est quod amor sit perfectior, quam ob-  
scura cognitione via. Ad quintum. Nego mi-  
norē. Homo specialiter desiderat, &  
DEUS ab ipso petit desiderari vitam æternam,  
non physice secundum suam essentialem & pri-  
mariam rationem, sed ut est in se, & secundum suam adequatam integratatem, & ut sic primariō  
rationem, secundariō includit charitatem.

## §. VI.

## Corollaria.

<sup>12</sup> Colliges ex dictis primò. Quod si homo non fuisset elevatus in finem supernaturalem, ipsius formalis beatitudo naturalis consisteret in sola contemplatione DEI quam auctoris naturæ. Ratio est: quia beatitudo formalis est

actualis consecutio finis ultimi, ex quā aliae operationes naturæ rationalis perfectivæ dimanant; sed consecutio DEI ut ultimi finis in statu naturæ non elevata in finem supernaturalem alia non esset, quam perfectissima cognitio & contemplatio DEI cœū primi intelligibili & Authoris naturæ, ex quā consequeretur connaturaliter amor ipsius: ergo beatitudo naturalis consistit in naturali & purissimâ contemplatione Deitatis. Minor ex dictis constat, quia primum intelligibile non alio actu consequitur, quam quo illud facimus nobis intelligibili ter praesens; sed hoc non aliter fit, quam per actum intellectus. Ergo.

Colliges secundò. Beatitudinem hujus viæ apud Matth. c. 5. octo gradibus distinctam, esse beatitudinem in spe, ut habet S. Doctor. I. 2. q. 69. a. 1. & magis in sensu causalī, permodum causæ & meriti, quam in sensu formalī. Præter quam tamē beatitudinem datur in hac vitâ quādam participatio & inchoatio futura beatitudinis, quasi formalis, & hæc consistit in actu divina contemplationis, ut habet idem S. D. in 2. 2. q. 8. a. 4. quo intellectus prævio charitatis impulsu raptus & per donum sapientiae elevatus intendit in imaginem divinæ bonitatis (non intuitam sed abstractam) quatenus super omnia appetiabilis. Quæ altissima contemplatio perfectorum propria, & nobilissima unio animæ cum DEO, quæ haberi potest in hac vitâ, est quādam prægustus æternæ gloria, possesso divinitatis, & ut inquit cit. S. D. quādam inchoatio beatitudinis, quæ hic incipit, ut in futuro continuetur.

## DISPUTATIO IV.

DE

## Proprietatibus beatitudinis.

Consideratæ beatitudinis essentiæ, nunc illius coniectanea & parerga inspicimus. Ea sunt vel necessariò connexa, vel in ornatum adjuncta. Primi generis sunt necessitas & inamissibilitas. Secundi generis sunt dotes animæ & corporis, ac item aureolæ. Nunc de singulis singillatim.

## ARTICULUS I.

## Quā necessitate Beati DEUM ament?

## SUMMARIUM.

1. Stamus quæfionis de necessitate exercitii.
  2. Necessestas reperitur tam in amore concupiscentiae, quam benevolentie.
  3. Expenditur Locus Doct. Angelici.
  4. Non potest Beato imponi præceptum desistendi ab amore beatifico.
  5. Necessestas non variat speciem actus.
  6. Quandonam diversitas applicationis inducat diveritatem objecti?
  7. Quomodo actus amoris in Christo fuerit liber?
- R. P. Mezg. Theol. Schol. Tom. II.

D 2

## §. I.

## Assumitur necessestas tam exercitii, quam specificationis.

Consequitur claram DEI visionem amoris suavissimus. Sicut enim DEUS in illa beatitudine (test. D. Augustino l. ult. de ciuit. cap. ult.) sine fine videbitur, ita sine fastidio amabitur, sine fatigione laudabitur.

In

## Solvuntur objectiones.

**O**bijecies primò authoritatem D. Thomae, infra q. 10. a. 2. in c. dicentis, quod voluntas quantum ad exercitium à nullo obiecto ex necessitate movetur.

Respond. Sermonem S. D. esse de obiecto creato vel in creato, tantum abstractive, non a tempore intuitivè cognito, uti colligitur ex adiecta ratione: *Quia*, inquit, *cogitationem a tali obiecto avertere possumus*, quod Beati tamen non possunt.

Objecies secundò. Posset Beato imponi preceptum desistendi ab amore; ergo tunc Beatus posset liberè cessare ab amore, quia materia precepti debet esse libera.

Dico. Adversaris incumbere probationem possibilis istius precepti, hoc ipso quippe quod negatur libertas aetatis, etiam negatur illius contentibilitas sub precepto: unde haec possibilis ad probandam libertatem non redit. sumitur. Ratio ulterior, cur tale preceptum sit impossibile, est primò; quia implicat a Deo prohibiri & effici moraliter obiective malum, quod per essentiam est supernaturaliter & mortaliter bonum, ac honestum, sed amor beatissimi DEI super omnia est per essentiam supernaturale & honestus, ergo. Secundò, quia sequetur, quod quis posset amando DEUM peccare, quod non modò absurdum, sed & ridiculum est, neque averti à DEO, dum in ipsum efficaciter ut in ultimum finem convertitur; habere contemptum; cum super omnia appetiat; ostendendo dum diligit.

Objecies tertio. Idem specie est actus charitatis in viâ, qui est in patriâ; ergo sicut illa non inducit necessitatem, ita nec iste.

Respondet primò. Inde nimis probari, quia probatur, quod amor patriæ etiam debet esse liber quoad specificationem, cum tali modo charitas viatorum sit libera. Respondet secundò ad 3. nego consequent, quia libertas & necessitas non pertinent ad speciem actus.

Objecies quartu. Diversitas applicationis, non causat diversitatem obiecti, sed fides & visio tantum sunt diversæ applicationes ejusdem obiecti, nempe DEI ut Summi Boni: ergo non causant diversitatem obiecti: ergo sicut Deus liberè est volitus & amatus in viâ, hec etiam erit liberè amatus in patriâ.

Respondeo distinguendo majorem. Diversitas applicationis non causat diversitatem obiecti; in agente habente eundem modum operandi, concedo; in agente habente diuersum modum operandi, liberum & necessarium, rego: tunc enim diversa applicatio obiecti iusti, quod obiectum, antea cum indifferentia representatum, non amplius cum indifferentia iudicari representetur, adeòque actum liberum terminare non possit.

Objec. quintu. Amor Christi D. quamvis regulatus scientiâ visionis, fuit liber quoad exercitium, quia fuit meritarius; ergo etiam amor beatorum potest esse liber quoad exercitium.

Respon-

In facula faculorum laudabunt te. Inquit Psalmista Ps. 83. Sed an etiam necessariò? Duplex in nostrâ voluntatis aetibus necessitas distinguitur: una, qua vocatur specificationis; quando voluntas potest quidem actum circa tale objectum suspendere; posito tamen, quod in actum prodire velit, non potest non actuam talis speciei elicere: quo modo voluntas viatoris licet non sit occupata in jugi exercitio amandi beatitudinem in communione, si tamen circa illam versari velit, non potest non amare, ideòque est necessitata quoad specificationem.

2. Altera est necessitas exercitii, quâ voluntas arctatur, ut ne quidem actum possit suspendere, vel ab eo desistere. Beatorum voluntatem quoad specificationem necessitari ad amandum DEUM facilè consentiunt Theologi: quia enim umbra mali posset apparet in clara visione Summi & infiniti Boni, ut voluntatem Beati ab amore transferret in odium? Restat igitur sola quæstio de libertate exercitii, ubi Scotista libertati, Thomista ex opposito favent favorabili & felicissima necessitati amandi DEUM.

CONCLUSIO. Beati sunt necessitati ad amandum D E U M etiam necessitate exercitii.

Ratio est, sublatâ potentia suspendendi exercitium amoris, inducitur necessitas exercitii; sed per claram DEI visionem auferitur potentia suspendendi exercitium amoris; ergo per illam inducitur necessitas exercitii. Minor probatur. Potentia suspendendi vel omitendi actum amoris fundatur essentialiter in indifferenti propositione, quâ & ipsum exercitium amandi sub aliquâ ratione molesti, ejusque intermissione sub aliqua ratione operabilis representatur: sed est impossibile, ut clara DEI visio, quâ Beatus suam summam, aeternamque beatitudinem in hoc ipso exercitio considerare perspicue videat & judicat, tali indifferenti propositione exercitium DEU M amandi sub ratione molesti errore representetur: Cumenim ad fontem viri devenierimus, erit nobis delectabiliter impressa sitis simul & satisetas; sed longe aberit a sitis necessitas, longe à satisetae fastidium, quia sicuties saturabitur, & saturissemus. Telle D. Gregorio in moral. Ergo est impossibile, ut Beatus habeat potentiam suspendendi actum & exercitium amoris.

Confirm. Quanda tota litera expletur & adæquatur potentia ab obiecto, tunc non manet in illa facultas restendit, aut ad aliquid diverterendi: In eo quippe liberi agentis operatio à necessarii agentis operandi modo discernitur, quod ipsis vis & potentia operandi ita adæquat ab obiecto proposito, ut non sit in manu ipsis, illud respire, aut in oppositum divertere, dum econtra liberi agentis facultas non ita adæquatur & subigitur ab obiecto proposito: sed ab essentia Divina clare visa totaliter expletur potentia Beati: nam objectum voluntatis adæquatum est bonum. DEUS autem clare visus est omne bonum, & ut sic cognitum, unde dictum Exod. 33. *Ego ostendam tibi omne bonum.* Ergo,

❀ (o) ❀